

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ФАРМОЙИШИ

Ўзбекистон Республикаси Президентининг топшириғига асосан Тожикистон Республикасига коронавирус инфекцияси (COVID-19) тарқалишини бартараф этиш учун зарур бўлган тиббий ускуналар, буюмлар, дори воситалари ва махсус контейнерлар билан таъминлашда амалий ёрдам кўрсатиш мақсадида:

1. Тожикистон Республикасига тиббий ускуналар, буюмлар, дори воситалари ва махсус контейнерлар шаклидаги инсонпарварлик ёрдами юки **иловага** мувофиқ рўйхат бўйича юборилсин.

2. Қуйидагилар:

Ўзбекистон Республикаси Фавқулодда вазиятлар вазирлиги инсонпарварлик ёрдами юкини жўнатувчи ва етказиб берилишини таъминловчи;

«Technopark» МЧЖ ва «Uzbekistan Airports» АЖнинг «Ислом Каримов номидаги «Тошкент» халқаро аэропорти МЧЖ инсонпарварлик ёрдами юкини шакллантириш пунктлари этиб белгилансин.

3. Инсонпарварлик ёрдами юкини Тожикистон Республикасининг Душанбе шаҳрига етказиб бериш учун «Ўзбекистон темир йўллари» АЖ «Obod Shahar Qurilish» МЧЖ буюртмаларига асосан зарур миқдорда вагонлар ҳамда Ўзбекистон Республикаси Мудофаа вазирлиги юк ҳаво кемаларини белгиланган тартибда ажратсин.

4. Белгилансинки:

инсонпарварлик ёрдами юкининг белгиланган манзилга етказиб бериш билан боғлиқ Мудофаа вазирлигининг харажатлари — Ўзбекистон Республикаси Вазирлар Маҳкамасининг захира жамғармаси маблағлари;

Ўзбекистон Республикаси Соғлиқни сақлаш вазирлигининг инсонпарварлик ёрдами юкини жўнатиш билан боғлиқ харажатлари — Ўзбекистон Республикаси Соғлиқни сақлаш вазирлиги ва Санитария-эпидемиологик осойишталик агентлиги маблағлари;

Ўзбекистон Республикаси Соғлиқни сақлаш вазирлиги Фармацевтика тармоғини ривожлантириш агентлигининг инсонпарварлик ёрдами юкини жўнатиш билан боғлиқ харажатлари — Фармацевтика тармоғини ривожлантириш агентлиги маблағлари;

«Obod Shahar Qurilish» МЧЖнинг инсонпарварлик ёрдами юкини жўнатиш билан боғлиқ харажатлари — Вазирлар Маҳкамасининг «Ўзбекистон Республикасида коронавирус пандемияси тарқалишининг олдини олиш борасида амалга ошириладиган қўшимча чоратadbирлар тўғрисида» 2020 йил 25 мартдаги 181-сон **қарори** доирасида ажратилган маблағлар ҳисобидан қопланади.

5. Ўзбекистон Республикаси акциядорлик тижорат Халқ банкининг ҳомийлик маблағлари ҳисобидан «Маданият текстиль кўп тармоқли» МЧЖ ва «Maximum Dream» МЧЖлар томонидан ишлаб чиқарилган тиббий ҳимоя воситаларининг инсонпарварлик ёрдами сифатида ажратиш тўғрисидаги таклифи маъқуллансин.

6. Ўзбекистон Республикаси Молия вазирлиги ҳамда Вазирлар Маҳкамаси ҳузуридаги Давлат захираларини бошқариш қўмитаси ушбу фармойишга мувофиқ давлат захираларидан чиқарилган моддий бойликларнинг ўрни белгиланган тартибда тўлдирилишини таъминлаш чораларини кўрсин.

7. Ўзбекистон Республикаси Ташқи ишлар вазирлиги Ўзбекистон томонининг инсонпарварлик ёрдами кўрсатиш нияти тўғрисида Тожикистон Республикаси Ташқи ишлар вазирлигини белгиланган тартибда хабардор қилсин, шунингдек, инсонпарварлик ёрдами юки етказиб бериладиган пунктни ва уни топшириш билан боғлиқ бошқа ташкилий масалаларни келишсин.

8. Ўзбекистон Республикаси Ташқи ишлар вазирлиги, Ички ишлар вазирлиги, Давлат божхона қўмитаси, Давлат хавфсизлик хизматининг Чегара қўшинлари инсонпарварлик ёрдами юкининг етказилиши ва топширилишида иштирок этадиган Ўзбекистон Республикаси вакилларига чиқиш ҳужжатлари тезкор расмийлаштирилишини ҳамда инсонпарварлик

ёрдами юки Ўзбекистон Республикаси Давлат чегарасидан тўсиқларсиз ўтказилишини таъминласинлар.

9. Ўзбекистон Республикаси Миллий телерадиокомпанияси, Ўзбекистон Миллий ахборот агентлиги ва «Дунё» ахборот агентлиги Тожикистон Республикасига инсонпарварлик ёрдами кўрсатиш бўйича ишлар оммавий ахборот воситаларида, шу жумладан, электрон оммавий ахборот воситаларида кенг ёритилишини таъминласинлар.

10. Мазкур фармойишнинг бажарилишини назорат қилиш Ўзбекистон Республикаси Бош вазирининг биринчи ўринбосари А.Ж. Раматов ва Ўзбекистон Республикаси Фавқулодда вазиятлар вазирининг биринчи ўринбосари А.Х. Қўлдашев зиммасига юклансин.

Ўзбекистон Республикасининг Бош вазири А. АРИПОВ

Тошкент ш.,
2020 йил 7 май,
233-Ф-сон

Вазирлар Маҳкамасининг 2020 йил 7 майдаги 233-Ф-сон фармойишига
ИЛОВА

Тожикистон Республикасига инсонпарварлик ёрдами сифатида юбориладиган тиббий буюмлар ва воситалар

РЎЙХАТИ

Т/р	Ташкилот номи	Маҳсулот номи	Ўлчов бирлиги	Микдори
I. Мудофаа вазирлиги томонидан етказиб бериладиган маҳсулотлар				
1.	Ўзбекистон Республикаси Соғлиқни сақлаш вазирлиги ва вазирлик ҳузуридаги Санитария-эпидемиологик осойишталик агентлиги	бир маротабалик кўлқоп	дона	100 000
		ноинвозив сунъий нафас бериш ускунаси	дона	10
		азитромицин 250 мг № 6	кадоқ	1 000
		гидроксихлорохин 100 мг № 100	кадоқ	1 000
		аскорбин кислотаси 50 мг № 10	кадоқ	1 000
		цефазолин 1,0	кадоқ	1 000
		пирометр	дона	300
		сунъий нафас бериш ускунаси*	дона	10**
		сунъий нафас бериш ускунаси оёқча*	дона	1**
		COVID-19 вирусини аниқлаш тест*	дона	24 000**
		РНҚ экстрактор*	дона	12 000**
		магнитли штатив*	дона	2**
2.	Фармацевтика тармоғини ривожлантириш агентлиги	левофлоксацин 100 мл (спирофлоркс)	дона	1 000
		февааган П 1% 100 мл (парацетамол)	дона	1 000
		цефтриаксон натрия 1,0 гр.	дона	1 350
		глюкоза 5% 250 мл	дона	5 000
		глюкоза 5% 500 мл	дона	1 000

		натрия хлорид 0,9% 250 мл	дона	5 000
		натрия хлорид 0,9% 500 мл	дона	1 000
		ринлактин 250 мл (рингер-лактад)	дона	1 000
		ринлактин 500 мл (рингер-лактад)	дона	1 000
		азитромицин 250 мг. № 6	кадоқ	1 000
		азитромицин 500 мг. № 6	кадоқ	600
		парацетамол 0,5 гр. № 10	кадоқ	1 440
		парацетамол сироп	дона	1 000
		парацетамол табл.	кадоқ	1 000
		бир маротабалик шприц 5 мл	дона	6 000
		бир маротабалик шприц 2 мл	дона	7 200
		система	дона	10 000
3.	Ўзбекистон Республикаси Вазирлар Маҳкамаси ҳузуридаги Давлат захираларини бошқариш қўмитаси	бир маротабалик бош кийимли ҳимоя комбинезони (2-даражали)	дона	5 000
		бир маротобалик респиратор N 95 (FFP2)	дона	15 000
4.	«Маданият текстиль кўп тармоқли» МЧЖ	бир маротабалик бош кийимли ҳимоя комбинезони (1-даражали)	дона	5 000
5.	«Maximum Dream» МЧЖ	ҳимоя кўзойнаги	дона	5 000
II. «Ўзбекистон темир йўллари» АЖ томонидан етказиб бериладиган маҳсулотлар				
6.	«Obod Shahar Qurilish» МЧЖ	махсус контейнер (тўлик тўпламда)	тўплам	144
7.	Ўзбекистон Республикаси Вазирлар Маҳкамаси ҳузуридаги Давлат захираларини бошқариш қўмитаси	этил спирти	тонна	1,0

* 2020 йил 25 апрелда Тожикистон Республикасига коронавирус инфекцияси (COVID-19) тарқалишини бартараф этиш учун инсонпарварлик ёрдами сифатида юборилган.

** Ушбу маҳсулотлар Соғлиқни сақлаш вазирлиги ҳамда Хитой Халқ Республикасининг «Henan Costar Group Co., LTD» компанияси ўртасида ва Санитария-эпидемиологик осойишталик агентлиги ҳамда Хитой Халқ Республикасининг «Sansure Biotec Inc.» компанияси ўртасида тузилган шартнома асосида сотиб олинган.